

Nunaqarfinni avatangiisit:

Inoqarfiit minnerit ataatsimeersuarnerat 30. aamma 31. juuni 2017
Naalackersuisut Siulittaasuata Kim Kielsenip oqalugiaataa

(Oqaatsit oqalugiarnermi atorpeqartut tuupput)

Ataatsimeersuaqataasut ataqqinartut,

Inoqarfiit minnerit ataatsimeersuartinneqarnerat Naalackersuisuni nuannaarutigaarput.

Nunarput innuttaasullu pitsaanerusumik siunissaqartinniarlugit inuussutissarsiornikkut ineriartortitsinermik, amerlanerusut ilinniagaqartilernissaannut, suliffissanik pilersitsinissamut kiisalu meeqqat inuusuttullu pitsaanerusumik atugaqartilernissaannut annertuumik suliassaqarpugut. Ineriartortitsinermi tamatumani puigorneqassanngillat avatangiisit eqqiluutsuutinnissaat pinngortitallu pissarititaanik atorluaanitsinni kinguaariit tulluuttut pissaqartinneqarnissaat.

Nunaqarfinni eqqagassanut imermullu errortuutikumut aaqiissutissat torersut sukkanerusumik qulakkeerneqassapput. Eqqaavissuarnik iluarsagassarpassuaqarpugut. Nunaqarfinni ikuallaaveeqqat ajorput, taamaammallu eqqagassat ataatsimoortillugit silaannarmi ikuallanneqartarlutik. Tamanna 2007-imili inerteqqutaalerpoq. Eqqagassalerinerli avatangiisinik eqqiluitsitsineruinnanngilaq. Inuit peqqissusaannut aamma tunngassuteqarpoq.

Eqqagassalerineq kommunit akisussaaffigaat tamannalu akisoorujussuuvoq. Eqqagassalerinerup pivisunngortinnissaanut atugassanik Avatangiisinut Aningaasaateqarfeqalernissaq Naalackersuisut taamaammat sulissutigaat. Aningasaateqarfik aningaasalersorneqarsinnaavoq assersuutigalugu nioqqutissat eqqussukat pilersitaannik eqqagassalerinissamut aningaasanik illuartsisarnikkut. Eqqagassalerineq nunaqarfinnut ataasiakkaanut atugassarititaasunut pisariaqartinneqartunullu naleqqussarneqassaaq – aaqiissutissallu sulinermi atorsinnaasut aallunneqassapput.

Eqqagassalerinermi aaqiissutissat ullutsinnut naleqquttut ugartornerat annertusassavarput. Eqqagassaatitsinnut akisussaaffik tigussavarput. Suliniuterpasuaqarpoq, siunertattali angunissaanut aqquq suli takeqaaq. Avatangiisinut Aningaasaateqarfik taamaammat pisariaqarpoq. Eqqagassat tamatta akisussaaffigaagut. Tamattaalluta angerlarsimaffitsinni, aqqusinerni, pinngortitami imaanilu eqqagassaatitta qanoq pisarnerigut eqqumaffigissavarput.

Qujanaq-kampagniaqarnerani eqqagassat pillugit innuttaasut suliniutaat assigiinngitsut assut soqutiginarput. Ukiuni kingullerni taamannak suliniuteqartoqarneratigut meeqqat inersimasullu eqqagassat eqqummaariffigerulersimAVAAT. Inuiaqatigiinni najukkatsinni eqqagassat susarnerigut innuttaasut maluginiarnerulerpaat. Qanoruumi sapaatit akunneri marluk matuma siorna takuarput Qaqortormioq illoqarfimmi sikaritsiT kimmivikuinik katersisalersimasoq. Tamanna nersugassaavoq iliuuseqarneranullu qujassutissaqarpugut.

Eqqagassalerinerup kinguattoorfiunerani angutip iliuusaa toorninnguartut mikitigisinnaagaluarpoq. Tamattali pisortani innuttaasullu akornanni iliuuseqaruttaga angusaqarluarsinnaavugut. Suleqatigiinnermi nukittuunngortitsisarpoq.

Nunaqarfinni illoqarfinnilu mikinerni ineriartortitsinissap maani oqaluuserinerani arlaqartuusugut pinngortitarsuatta pissarititaanik assigiinngitsunik atuinissatsinnik qilanaarluta maani issiavugut. Imminummi ilaqtutallumi aalisakkanik, neqinik nunallu tunniussinnaasaanik allanik pilersorsinnaaneq pitsaanerusinnaanngilaq. Pinngortitattami nerisaqartillutalu nukissamik tunisarpaatigut.

Pinngortitaput allanngoriartorpoq. Silaannaap allanngoriartorneratigut oqimaaqatigiinneq uumasooqatigiiaallu aaqqissugaanerat sunnerneqarpoq, tamannali inuit pinngortitamik atueriaasiannit aamma sunnerneqarluni. Taamaammat massakut immitsinnut pilersornitta kinguaattalu pinngortitap nerisaqartitsineranik atuisinnaanissaat qulakkeerniarlugit oqimaaqatigiissaarisariaqarpugut. Ilisimatuut, aalisartut piniartullu suleqatigiinnerat nukittorsarniarlugu suliniartuarpugut. Pinngortitatsinnimmi atuinitta aqunneqarnissaanut taputartuisinnaasunik tamarmik immikkut ilisimasaqarput pingaarutilinnik. Taamaammat tamatta immitsinnut peqataasutut isiginiarnerusinnaasariaqarpugut.

Nunaqarfiit tamarmik tunniussassaqarput. Nunaqarfiit ilaat ingerlalluarterujussuupput, tamannalu nunaqarfimmiut namminneq iliuuseqarnerat nukittuffeqarnerallu pinngortitap tunniussassaanic ilallugu amerlanertigut pinngortinneqartarpoq. Pinngortitap avatangiisillu paarilluarnissaat taamaammat pingaaruteqarpoq. Kinguaattami uatsinnut atukkiussaraat. Pisuussutitta uumassusillit atugaralugit kultureqarnitsinnik kinguaatta ingerlatitseqqissinnaanissaannut periarfissiinissarput uagut qulakkeerniagassarivarput.

Qujanaq!